

Sarajevo,28.12.2022.godine

ZA:
BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
SKUPŠTINA KANTONA SARAJEVO
n/r Predsjedavajućeg Skupštine Kantona Sarajevo
zastupnicima i zastupnicama u Skupštini KS

U skladu sa članom 106. i 213. Poslovnika o Skupštine Kantona Sarajevo,
dostavljam:

ZASTUPNIČKA INICIJATIVA:

Prikupljanje podataka od relevantnih subjekata:

1. Kantonalna uprava za inspekcijske poslove Kantona Sarajevo;
2. Federalna uprava za inspekcijske poslove;
3. Agencija za vodno područje rijeke Save;
4. Policijska stanica Ilidža;
5. JKP Vodovod i kanalizacija;
6. Zavod za javno zdravstvo Federacije BiH;
7. Aarhus centar Sarajevo (E-mail: koordinator@aarhus.ba)

Tema: Nelegalna deponija u 1. vodozaštitnoj zoni, u blizini korita rijeke Željeznice
(Sokolović kolonija, polje od Mosta spasa stotinjak metara uzvodno, lijeva obala)

Obrazloženje:

Nekoliko godina unazad vrši se nelegalno eksploatiranje riječnog pjeska
(šljunka) na više lokacija u koritu rijeke Željeznice (nelegalno jer se riječni
pjesak ne bi smio eksploatirati bez dozvole federalne nadležne agencije).

Bivši načelnik Opštine Ilidža, dr. Senaid Memić, izdao je privatnoj građevinskoj
firmi pisanu dozvolu za tzv. nivelisanje tla koje je podrazumijevalo

popunjavanje ogromnih depresija zemljištem koje preostane prilikom različitih građevinskih radova (podzemnih garaža, cesti, i sl.). Takva dozvola se ne može pronaći u evidenciji kojom raspolaže Opština Ilidža, ali se iz zapisnika Kantonalne inspekcije, eko inspektora i sl., može saznati da su u prethodnom periodu nailazeći na kamione u predmetnom području priznavali takvu dozvolu.

Nakon što se počela stvarati ogromna deponija građevinskog otpada različite vrste problem smo kantonalnoj i federalnoj inspekciji prijavljivali Udruženje građana ISKON i ja u svojstvu opštinskog vijećnika.

Tada se pojavljuje "izbjegavanje nadležnosti" na način da kantonalna inspekcija odgovara da je odgovorna federalna agencija, jer se radi o rijeci Željeznici koja pripada slivu rijeke Save, dok iz Agencije tvrde da je nadležna kantonalna inspekcija jer se radi o 1. Vodozaštitnoj zoni.

U međuvremenu se devastiranje područja nastavlja.

Potrebno je da sve navedene institucije (svih 7 navedenih u nazivu inicijative) informišu Skupštinu Kantona Sarajevo o svom odnosu prema ovom problemu, koje su aktivnosti do sada uradile po pitanju rješavanja problema, te koje aktivnosti planiraju.

Zavodu za javno zdravstvo sugerišem da u skladu sa svojim obavezama izvrše analizu kvalitete vode i zemljišta na predmetnoj lokaciji te da Skupštinu KS informišu o rezultatima analize.

Još jednom naglašavam da se radi o 1. Vodozaštitnoj zoni u kojoj se nalaze bunari iz kojih se vodom snadbijeva ogroman broj građana i građanki Kantona Sarajevo.

S poštovanjem,

Samir Avdić

Zastupnik u Klubu zastupnika SDP-a BiH u KS